

嘉泰吳興志

吳興志卷十四

宋談鑰撰

郡守題名

郡守題名郡侯自吳置郡歷晉訖陳曰太守閒爲王國則曰內史自隋至周歷唐至吳越曰刺史宋曰知州事繇吳至隋未有題名唐大歷中刺史裴清始撰歷官記首於王羲之終於任忠四十四人勒於謝傅碑陰前吳後隋缺而靡聞也宋滕宗諒以所編未盡采摭史傳增二十七人續圖經又以所書歷官與正史差誤重加是正且搜羅遺失得二十四人共九十有五以今攷之年代之弗詳事迹之弗著登載尙有缺焉唐刺史題名廣

德中李紆始立自武德以來名氏官秩遷就歲時悉追書之正元中刺史李詞及滕宗諒繼此誌刻訖於吳越納土凡一百三十九人其閒亦有與統記史書所載不同者宗諒又爲宋朝題名自太平興國三年王洞而下其後聯續書刻至劉敏士百二十八人而石窮知州事唐瑑續之至慶元六年又二十九政竊詳古人創題名之意非惟欲著姓氏後先而已有勸善懲惡之善焉必追錄前政搜訪遺闕者非惟欲涉獵務博而已正懼其事迹之湮沒也元結道州刺史廳壁記曰問之耆老前後刺史能恤養貧弱專守法令有徐公履道李公廩徧問諸公善或不及惡有不堪說者故爲此記爲刺史作

戒使題名不作則前人之名皆不可見後人亦無由歷指以問而善惡之迹俱泯矣此古人微意而元公剖判之者也石刻墨本必俟椎搗以張屋壁故併錄以便觀覽自晉以來且以正史諸書參攷年代訂正訛舛備錄事迹善惡畢見疑者闕之其有功德此民者別標載賢守類俾繼是而書者愈加意

晉顧秘 記云驃騎將軍榮之族父自交州刺史遷吳興太守續圖經云晉史顧眾傳父秘爲交州刺史卒眾往迎喪值杜弼之亂崎嶇六年乃還秘曾莅吳興過吳興義故共遺眾錢二百萬一無所受則知秘非吳興遷交州也周玘傳石冰略有揚土玘率吳興太守顧秘都

督揚州九郡軍事斬冰所置吳興太守區山惠帝太安二年前吳興內史顧秘起義兵以討石冰

周玘 記云字宣佩征西將軍處之子累遷吳興太守晉史玘斬錢璿三定江南元帝嘉其勳以爲建威將軍吳興太守封烏程縣侯按懷帝光熙三年錢璿反周玘率郡人斬璿百姓敬愛事見賢守下

王羲之 字逸少司徒導之從子起家祕書郎征西將軍累遷吳興太守子獻之續圖經云晉史不載爲守又傳云起家祕書郎征西將軍庾亮請爲參軍當是將軍下脫參軍二字梁吳均入東記羲之爲守昇烏山事王獻之 字子敬建威將軍吳興太守續圖經云晉史

不載爲守事恐唐人必有據按晉史傳獻之爲衛將軍
長史尋除建威將軍吳興太守徵拜中書令南史羊欣
傳載獻之爲太守吳興書裙數幅事王儉傳宋蒼梧王
暴虐儉引新安主婿王獻之任吳興爲列補義興太守
謝萬 字萬之伯祖承撰後漢書歷吏部郎爲吳興太
守兄安姪瑗晉史紀穆帝升平二年八月以吳興太守
謝萬爲西中郎將豫州刺史

謝安 爲吳興太守晉史作征西將軍軍司馬尋除吳
興太守又烏程縣西四里有謝塘舊圖經云晉太守謝
安開世說王僧彌謝玄曰汝是吳興谿中釣耳注玄
叔父安曾爲吳興玄少時從之游故云在官無當時譽

去後爲人所思開城西官塘人獲其利號謝公塘頃之
召拜侍中

謝琰 爲吳興太守續圖經云晉史謝琰督吳興義興
二郡軍事討孫恩非太守也恐別有據琰討恩至義興
斬賊許允進吳興討正庭破之

虞潭 字思奧吳騎都尉翻之孫散騎常侍出爲吳興
內史兄子騏續圖經云晉史潭爲吳興太守秩中二千
石顧眾張閭傳並云吳興內史職官志諸王國以內史
掌太守之任則吳興必嘗封王太守爲內史矣按成帝
卽位潭爲太守蘇峻反加督三吳等五都軍事與閭等
同討峻帝紀咸寧三年五月蘇峻逼遷太子吳興太守

廣潭等起義兵於三吳王舒傳亦作太守

虞駿 駿亦至吳興太守晉史傳字思行歷吳興太守
世說注歷尚書郎吳興守徵爲金紫光祿大夫卒

陸納 字祖言自吳興太守遷大中正晉史納以尚書
吏部郎出爲吳興太守先至姑孰辭桓溫徵拜左氏尚
書領洲大中正裝止襍被事見賢守下

周鎮 字康特累遷吳興太守

胡嚴 字起祖左遷吳興太守

王胡之 字修靈廩之子自吳興太守遷西中郎將司
州刺史圖經云晉史靈作齡不載爲吳興太守世說有
王司州至吳興印渚事注別傳云歷吳興太守按世說

云王司州至印渚看歎曰非惟使人情開滌亦覺日月
清朗注云歷吳興太守吳興記云於潛縣東七十里有
印渚旁有白石山峻壁四十餘丈印渚蓋眾溪之下流
也又按晉書沈勁傳勁吳興人少有節操郡將王胡之
深異之乃遷平北將軍司州刺史上書薦勁續圖經弗
深考耳

孔愉 字敬康司徒左長史出爲吳興太守封餘不亭
侯子坦續圖經云晉史累遷吳興太守非自長史出也
封餘不亭侯亦在爲太守前坦從子也按晉史建興初
以討華軼功封餘不亭侯後出爲司徒左長史累遷吳
興太守沈充反棄官還京師拜御史中丞

孔坦 字君平官至吳興太守續圖經云晉史坦嘗爲
吳興內史非太守也按傳愉從兄侃侃卽坦父也蘇峻
平遷吳興內史封晉安男加建威將軍運米振之事見
賢守下

張玄之 登之子歷吏部尙書冠軍將軍吳興太守晉
史謝玄傳爲會稽內史時吳興太守寧晉侯張玄之亦
以才學顯自吏部尙書與玄同年之郡時人稱南北二
玄又顏真卿杼山寺碑云晉吳興太守張玄之吳興記
曰云 統記又多載玄之山墟名

孔廡 御史中丞羣之孫自吳興太守遷廷尉卿子琳
之晉史孔壁傳云嚴叔父也孫廡位至吳興太守廷尉

孔琳之 官至吳興太守遷侍中晉史傳廢子琳之以
草書擅名又爲吳興太守侍中

江灌 彪從弟累遷吳興太守續圖經云晉史江道從
弟灌自御史中丞轉吳興太守彪統之子與道皆曾祖
襲當爲再從弟道統有傳不必言彪也按傳灌轉吳興
太守蔑視權貴桓溫患之徵拜侍中以在郡時公事有
誤追過之

謝邈 字茂口太傅安之猶子自侍中出爲吳興太守
晉史傳邈爲吳興太守孫恩之亂爲賊所執逼令北面
邈厲聲曰我不得罪天子何北面之有遂害之紀安帝
隆安三年謝方明隨伯父吳興太守邈在郡孫恩寇會

稽東土響應吳興人胡傑鶴驟破東遷縣方明勸遐避
之不從被害方明台門遇害數日葬送並畢

孔嚴 字彭祖愉從弟自尙書左丞出爲吳興太守晉
史傳自揚州別駕遷尙書左丞以候領尙書太和中拜
吳興太守秩中二千石褒義婦事見賢守下

以上歷官記元二十三人今退王韶之謝述入宋爲
二十一人

袁琇 晉史紀愍帝建興三年吳興人徐馥害太守袁
琇

周札 晉史本傳徐馥平元帝以札爲奮武將軍吳興
內史改封東遷縣侯

周筵 晉史札傳云札兄靖子筵征虜將軍吳興內史
王坦之 晉史本傳不載爲吳興太守統記據搜神記
言王坦之爲吳興郡守有竺師與之甚厚論及幽冥事
曰先死者當以冥務見報歲餘竺師歿至曰貧道已死
昔之所論一無差誤勉崇利濟言訖而去坦之亦尋卒
本傳亦載竺師事但言歷徐兗三州刺史若據搜神記
所言是坦之終於吳興太守

顧眾 晉史傳王敦欲以顧眾爲吳興內史眾舉桓彝
亦遜眾事並不行是未嘗授已未知滕公別有何據

朱序 晉史本傳太和中遷兗州刺史時長城人錢洪
聚黨百餘人藏匿原鄉山以序爲中軍司馬吳興太守

討擒之事訖還兗州紀孝武寧康二年長城錢步射錢
洪等作亂吳興太守朱序討平之

司馬詢之 晉史西陽王業之子元孫詢之歷吳興太
守劉裕伐關中以爲諂議參軍

王蘊 晉史本傳蘊起家佐著作郎累遷尚書吏部郎
補吳興太守有德政屬郡荒人饑輒開倉振恤主簿執
諫請蘊列表上待報蘊曰今百姓嗷然路有饑饉若表
上須報何以救將死之命專輒之愆罪在太守於是大
振貸之賴蘊全者十七八人焉朝廷以違科免蘊官士
庶詣闕訟之詔特左降晉陵太守

孔靜 南史傳字季恭晉熙寧閒累遷吳興太守加冠

軍先是吳興頻喪太守言項羽神爲卞山王居郡聽事
二千石當避之靜居聽事無害也遷尙書左僕射

以上九人滕宗諒增今添孔靜一人爲十人

江蔚 晉史逋傳子蔚吳興太守

陶回 晉史家傳蘇峻平以功封康樂伯久之遷征虜
將軍吳興太守在郡四年徵拜領軍將軍加散騎常侍
年饑輒開倉救民事見賢守下

車胤 晉史本傳隆安初爲吳興太守秩中二千石辭
疾不拜加護國將軍丹陽尹

殷康 晉史殷覲傳父康吳興太守括地志曰黃浦亦
名庚浦卽康浦也左右有上康村晉殷康爲太守百姓

避其名改康爲庚統記云開菽塘溉田十餘頃峴山康築亭其上名顯亭

續圖經元五人今退張崇之人宋爲四人

沈嘉 統記云晉度支尙書吳興太守又重開菽塘更名吳興塘見菽塘下

何楷 括地志云金蓋山何楷居此修儒業楷後爲吳興太守改金蓋爲何山又顏真卿杼山妙喜寺碑云從草堂徑行百步至吳興太守何楷釣臺南史何子平傳祖楷晉侍中唐姓纂云何轂渡江生楷

以上二人今添

右晉大官歷官記及滕守續及續圖經所載共二十

七人王韶之謝述合係宋而孔靜乃係之梁今皆是
正又添沈嘉何楷二人爲三十七人歷官記始於王
羲之今按晉史顧祕周玘袁琇周筵周札屬西晉惠
帝愍懷之際故以爲首而羲之次之餘姑循舊次

宋褚彥回 記云字彥回起家著作佐郎轉太子舍人
尙餘姚公主拜駙馬都尉出爲吳興太守累遷驃騎大
將軍侍中錄尙書事謚文簡續圖經曰南史本傳尙宋
文帝女南郡獻公主拜駙馬都尉除著作佐郎歷侍中
領尙書右衛將軍元徽二年出爲吳興前後宜以史爲
正沈憲爲烏程令太守褚彥回歎美以爲方員可施正
靈鞠傳褚彥回爲吳興太守謂之曰此郡才士惟有正

靈鞠及沈勃耳乃啟申之

謝莊 記云字希逸弘微之孫自散騎常侍出爲吳興太守子肅續圖經云南史謝密字弘微子莊非孫也南史傳大明中除吳興太守廢帝卽位後爲散騎常侍尋加光祿大夫卒

正道護 記云卽靈鞠之伯父遲之伯祖黃門侍郎出爲吳興太守統記有晉新安太守條陽侯道護舊圖經云南郡太守道護未知官記何據

謝澹 記云字景恆父談祖安累遷吳興太守南史本傳作父瑤晉歷位尙書宋景平中累遷光祿大夫元嘉中位侍中特進卒不載爲吳興太守事

王韶之 記云字體泰羨之之孫歷吳興太守入宋至
門下侍郎續圖經云南史傳晉恭帝時遷黃門侍郎宋
文帝時免給事中後爲吳興太守卒是爲黃門侍郎在
晉末爲吳興太守在宋文帝時也孝義傳吳達潘綜並
吳興人太守王韶之擢達補功曹史不就又發教列上
綜行於州臺又王道迄烏程人涉學善書形貌又美太
守王韶之謂人曰有子弟如王道迄無所少

謝述 記云字景光宣城太守眺之祖累遷吳興太守
南史述宋元嘉二年拜中書侍郎歷南郡太守司徒左
長史左衛將軍卒於吳興太守不當列晉

王僧慶 記云太守尉儉季父自御史中丞三遷吳興

太守續圖經云南史本傳宋泰始中爲吳興太守列於齊誤矣

沈文季 記云字仲遠慶之之子司空吳興太守續圖經云南史本傳元徽初自祕書監出爲吳興太守飲酒至五斗妻王氏飲亦至三斗常對飲竟日而視事不廢昇明元年沈攸之反齊高帝加文季冠軍將軍督吳興錢塘軍事

以上元記五人王韶之謝廷元在晉王僧慶沈文季元在齊今添入四人退謝朓一人入齊爲八人

張崇之 續圖經云無傳載南史孝義傳吳達吳興人太守張崇之三加禮命太守王韶之擢補功曹史固辭

不就吳達事出宋略

劉延孫 南史紀宋孝武帝孝建元年以吳興太守劉

延孫爲尚書右僕射

王曇生 南史紀宋明帝泰始二年吳興太守王曇生

王弘之傅子曇生孝武末爲吳興太守又孔覲傳吳郡

太守顧琛同吳興太守王曇生起兵

張永 南史紀明帝泰始二年吳興太守張永平晉陵

鄧琬傳琬同吳興太守王曇生等起兵明帝遣王玄謨

領水軍南討吳興太守張永爲繼隱逸傳張永爲吳興

請沈麟士入郡

蕭慧明 南史傳作惠明思話子也有時譽宋明帝泰

始初爲吳興太守郡界有卞山山下有項羽廟相承項羽多居郡廳事前後太守不敢上慧明謂綱紀曰孔季恭嘗設宴席未聞有災遂設筵榻接賓數日後見有一人長丈餘張弓挾矢向慧明旣而不見旬日卒

以上三人失載并張崇之元在晉蕭慧明元在齊今添入共五人

顧琛 南史傳元凶劭弒立以琛爲會稽太守隋王諲起義事平遷吳興太守孝武時仍爲吳興太守坐郡人多翦錢及盜鑄免官

張岱 南史傳宋明帝泰始末爲吳興太守齊武帝卽位復爲太守岱晚節至吳興更以寬恕著遷南兗州刺

史卒

殷冲 南史張岱傳岱爲東遷令時殷冲爲吳興太守
謂人曰張東遷親貧須養所以棲遲下邑然名器方顯
終當大任

以上三人續圖經

袁思道 統記云符瑞圖宋元嘉十年烏程縣有白龜
見吳興太守袁思道表進之

孔山士 南史隱逸傳沈麟士吳興人宋時太守孔山
士辟不應

沈道思 德清紫極觀梁大同七年東宮直沈文冲表
祖宋吳興太守道思少好玄默以故宅捨爲觀見統記

及舊編

以上三人今添

右宋太守據三書所載元共十一人張崇之王韶
之述載在晉王僧虔沈文季載在齊蕭慧明載在
梁並係宋時今竝添入又增孔山士袁思道三人
退謝朓一人入齊爲十七人

齊袁洵 記云卽粲伯父累遷吳興太守南史洵爲吳
郡太守見袁湛傳二者必有一誤或別有證

謝朓 記云官至吳興太守南史傳永明中爲吳興太
守明帝謀入嗣位朓避事居郡不理常務聚斂眾頗詆
之亦不屑也孝武初朓爲吳興以雞卵賦人收雞數千

及遜節不全爲清談所少周興嗣傳齊隆昌中侍中謝朓爲吳興太守唯與興嗣談文史而已罷郡大相談薦袁昂南史傳齊永元末爲吳興太守梁武帝起兵州郡望風皆降昂獨拒境見賢守下故臨終嘗曰往忝吳興屬在昏明之際不識天命甘貽戮辱帝手書諭之昂答曰偏隅一郡何能爲役建康平昂舉哀慟哭時帝使豫州刺史李元履巡撫東土敕曰袁昂道素之門世有忠節天下須共容之勿以兵威陵辱元履至宣旨昂不請降開門撤備而已

以上歷官記所載元五人王僧慶沈文季合在宋王騫合在梁卻添謝朓今三人

蕭惠休 南史傳作慧休惠明弟也齊東昏侯永元元年徙吳興太守徵爲尙書右僕射吳興郡項羽神舊酷烈人云慧休事神謹故得東遷二年遷至平望帝命服藥卒

何戢 南史傳戢爲吏部尙書加驍騎將軍出爲吳興郡守統記云何戢吳興太守好書畫精巧列於伎藝本傳云上頗好書畫一日嘗賜戢蟬雀扇顧景秀所畫時陸探微顧彥先歎其巧絕獻之非戢畫也

以上二人膠續

張環 南史傳齊高帝建元元年改封平都侯及爲吳興太守以既有國秩不取郡俸高帝敕上庫別藏其俸

以表其清

袁象 南史傳仕齊爲冠軍將軍監吳興郡事象性剛固忤武帝到郡坐過用祿錢免官往東治後爲侍中

李安人 南史傳齊武帝時爲尙書左僕射以老疾求退爲吳興太守於家載米往郡人服其清吳興有項羽神護郡廳事必須祀以輓下牛安人奉佛法不與神牛著屐上廳事又於廳上入閣齋俄而牛死葬廟側今呼爲李公牛安人尋卒亦以神爲崇

徐孝嗣 南史謝覽傳云東海徐孝嗣以御史中丞出爲吳興太守王儉贈詩曰方軌叔度追清彥輔柔亦不如剛亦不吐時人以比蔡子尼在郡有能名

王敬則 南史傳齊建元二年爲吳興太守郡多標掠有十數小兒於路取遺物敬則殺之以徇人錄得一偷召其親屬於前鞭之令偷身長埽街路久之乃命偷舉舊偷自代諸偷恐爲所識皆逃走境內以清其初入烏程從市過見屠肉枿歎曰吳興昔無此枿是我少時在此故也召故人飲酒說平生不以爲屑也

敬則少時屠狗商販徧於

三吳

孔琇之 南史傳靖之孫靈運子齊武帝時爲監郡尋拜太守政稱清嚴孝義傳王文殊吳興人至孝太守孔琇之表其行鬱林王詔改所居爲孝行里

王瑩 南史傳歷東陽太守以居郡有惠政遷吳興太

守齊明帝憂勤庶政瑩頗處二郡皆有能名遷中令領軍嘗曰我昔從東度爲吳興東有登岸

王秀之 南史傳爲輔國將軍吳興太守祖父敬弘性剛正致仕隱吳興秀之先爲諸王長史無復仕進意止營治舍亭山宅爲終焉之計及除吳興隱業所在心願爲之到郡守舊山移置輜重

以上九人又續退張曠在梁今八人

楊文崇 統記祥應圖云齊永明元年吳興武康沈文崇家有石榴連理太守楊文崇奏聞

右齊太守三書所載元十七人退王僧虔沈文季入宋王騫張曠入梁卻添入謝朓又今添楊文崇

一人合爲十五人

梁謝淪 記云爲吳興太守子覽傳云初齊明帝及淪東海徐孝嗣並爲吳興號爲名守孝義傳王文殊吳興人有孝行太守謝淪聘爲功曹不就

謝覽 記云爲吳興太守南史傳天監中拜吏部尙書出爲吳興太守王峻傳常與覽約官至侍中不復謀進覽自吏部尙書出爲吳興郡守心不畏強禦亦由處俗情薄故也在梁爲太守時中書舍人王睦之家居烏程子弟專橫前太守皆折節事之覽未到郡睦之弟迎覽覽逐去其船杖吏爲通者自是睦之家杜門不出郡境多劫盜爲東道患覽下車肅然齊明帝及覽父淪徐孝

嗣皆號吳興名守感皆過之感昔在新安頗聚斂至是遂稱廉潔時人方之王述

柳惲 記云字文暢司空忠武公彥緒之子爲吳興太守南史傳天監中再爲太守爲政清靜人吏懷之於郡感疾自陳解任父老干餘人拜表陳情

沈崇僚 吳興人至孝天監二年太守柳惲辟爲主簿見孝傳

元仲景 記云累遷吳興太守詩眼云阮景仲爲吳興太守禁夜半鐘姓名不同當攷

蕭映 記云臨汝侯吳興太守南史本傳普通三年爲吳興太守郡累不稔大通三年野穀生武康凡二十二

處自此豐穰映製嘉穀頌以聞中詔稱美陳紀武帝爲
新喻侯蕭映傳教及映爲吳興太守甚重帝謂僚佐曰
此人將來遠大必勝於我統記云蕭映爲吳興太守烏
程縣界有旅稻生映獻嘉穀頌

張僧繇 記云右將軍吳興太守統記云吳興太守畫
白塔寺彌勒佛菩薩像世稱奇妙唐名畫錄梁張僧繇
天監中歷右軍將軍吳興太守武帝崇飾佛寺多命畫
之

王騫 記云宋駙馬都尉儉之子累遷吳興太守續圖
經云南史齊永元末爲侍中梁武帝受禪出爲吳興太
守宜列於梁

歷官記云元六人添入王齋共七人

信都遵 南史陳紀侯景之亂避地臨安及武帝舉兵累遷吳興太守信都遵收文帝及衡山王

張稷 南史梁紀武帝天監三年以吳興太守張稷爲尙書左僕射傳政稱寬恕事見賢守下

蔡樽 梁時爲太守在官惟飲郡井齋前自種紫茄白莧以爲常餌詔褒其清加信武將軍天監元年宣城郡吏吳承伯挾妖道聚眾攻宣城殺太守轉寇吳興吏人並請避之樽堅守不動命眾出戰破斬承伯餘黨悉平累遷吏部尙書

蕭獻 南史傳臨汝侯猷梁長沙王懿子也爲吳興郡

守性剛愎與楚王布交見項王廟下

裴之橫 南史梁紀元年承聖二年齊軍攻合肥徵吳興太守裴之橫帥眾繼侯瑄據東關四年齊遣高渙送蕭明來主梁嗣至東關遣吳興太守裴之橫拒之又見王僧辯傳云破武陵王還除吳興太守作百幅被初兒之高以其縱誕爲狹被蔬食以厲之歎曰大丈夫富貴必作百幅被今成其志

蕭琛 南史傳琛惠明從子也天監中爲吳興太守郡有項王於廳事安神坐琛遷之廟見郡治廳事下

文皇帝禱 南史章昭達傳侯景平文帝爲吳興太守駱文牙傳陳文帝爲吳興太守引文牙爲將帥韓子高

傳隋文帝出守吳興子高寄載華皎傳文帝爲吳興太守以皎爲都錄事庾持傳文帝爲吳興太守以爲郡丞兼掌書翰

滕續元八人退孔晉入晉蕭慧明入宋添陳文皇帝
舊共七人

徐度 南史傳陳武帝時以功除郢州刺史兼領吳興太守文帝卽位累遷侍中

張纘 字伯緒南史陸雲傳爲湘東王繹參軍先製秦伯廟碑吳興太守張纘罷郡經途讀其文歎曰今之蔡伯喈也本傳大通中爲吳興太守居郡省煩苛務清靜人吏便之大同二年召爲吏部尙書

夏侯直 南史傳字世龍天監中遷吳興太守在郡有
惠政吏人圖其像立碑頌美

張曠 梁時爲太守侯景圍建業遣弟伊率郡兵赴援
城陷御史中丞沈浚違難東歸曠往見之謂曰賊臣憑
陵人臣效命之日今欲收集兵刃保據貴鄉雖復萬死
誠亦無恨浚固勸曠舉義時邵陵王綸東奔至錢塘聞
之遣陸江公版授曠征東將軍曠曰天子蒙塵今日何
情復受榮號留版而已賊行臺劉神茂攻破義興遣使
說曠曠斬其使仍遣軍破神茂景復遣神茂擊曠曠軍
敗乃釋戎服坐於廳事賊臨以刃終不屈執以送景景
將舍之曠曰速死爲幸遂與子孫同遇害者十人景欲

存其一子嶮曰吾一門已在鬼錄不就爾處求恩於是皆死賊平元帝追贈侍中諡忠正

蕭子顯 南史傳簡文時爲吳興太守卒

袁樞 南史傳昂之孫紹泰中歷吏部尙書吳興太守
陳永定中徵爲侍中

衡陽王昌 南史本傳陳武帝第六子梁太清末武帝南征李貴命昌與宣后隨沈恪還吳興後爲侯景所困景平拜長城國世子吳興太守年十六雅性聰辯明習政事武帝遣謝哲蔡景歷輔之臨郡蔡景歷傳衡陽王昌爲吳興太守武帝以鄉里父老尊卑有數恐昌年少接待乖禮乃遣景歷輔之

孫廉 循吏附傳天監初事貴要得爲列卿晉陵吳興太守然處官平直武帝嘗曰東莞二縣孫謙廉而已又見文學傳孫抱東免人父康吳興太守

杜龕 南史梁紀敬帝紹泰元年十月震州刺史杜龕舉兵攻陳禱於長城明年爲太平元年正月震州刺史杜龕降詔賜死故吳興郡本傳魏平江陵後齊納貞陽侯明以紹梁嗣以龕爲震州刺史吳興太守遷南豫州刺史加鎮南大將軍龕王僧辯婿也以陳武帝非素貴以法繩其宗門無所縱捨武帝銜之切齒及僧辯敗龕乃據吳興以拒之須敗陳武帝軍部將杜泰說之降其妻復募兵敗文帝軍後杜泰降文帝遣人負出項王寺

前斬之

周敏 梁陳故事云吳興記云太守周敏大開學校勸人種桑與麥百姓賴之除國子博士見統記

齊明帝蕭鸞 南史謝覽傳初齊明帝爲吳興號名守

江祐傳齊明帝爲吳興以祐爲郡丞

王彬 南史循吏何遠傳梁武帝命遠爲武康令太守王彬屬縣事見武康

右梁太守三書所載元共十九人退孔靜入晉蕭慧明入宋添王鸞陳文帝舊二人今又添衡陽王昌等六人爲二十五人

陳錢道戡 記云散騎常侍右衛將軍駙馬都尉尚晉

陵長公主永安侯出爲吳興太守下有十二字云唐高僧終南山沙門釋通宣祖續圖經云謝公謁元置孝義寺此十二字何須太守官闕必寺僧所增南史本傳妻陳武帝從妹後拜東徐州刺史封永嘉縣侯天嘉元年爲臨海太守後拜衡州刺史郢州刺史卒不載爲吳興太守

徐綜 記云唐黃門侍郎堅之曾祖稜威將軍駙馬都尉尙承嘉公主出爲吳興太守

沈君理 南史傳吳興人陳武帝時爲吳興郡太守文帝嗣位累遷左戶部尙書無爲吳興太守二處必有一誤記云吳興太守累遷吏部尙書

周文育

記云自吳興太守累遷司空開府儀同三司

子碧孫寶安南史本傳梁元帝授文育義州刺史累遷散騎常侍廣州平授開府卒贈侍中司空與所記不同

子寶安傳云文育爲王琳所繫及歸復除吳興太守

周詔

記云官至吳興太守南史周文育傳云子寶安

與歷官記所載大異

周寶安

記云官至吳興太守南史本傳寶安文育之

子而記云子碧孫寶安未知何據又云文育歸復除吳興太守文帝天嘉二年寶安重拜吳興太守襲封壽昌縣公後除給事黃門郎衛尉卿卒

任忠

記云累遷吳興太守南史陳紀後主禎明二年

使命軍任忠出守吳興郡以襟帶東陽州吳州本傳後
主嗣位出爲吳興內史及隋兵濟江自吳興入赴屯軍
朱雀門

以上七人歷官記

陳伯禮 記云武陵王世子之從子出爲本州太守續
圖經云歷官記序云自王逸少暨任忠今刻伯禮於左
疑後人所增南史本傳陳文帝第十子大建初爲吳興
太守在郡恣行暴掠爲有司所劾十一年被代徵還
吳明徹 南史本傳天嘉五年遷吳興太守引辭之郡
文帝謂曰吳興雖郡帝鄉之重故以相授廢帝卽位遷
丹陽尹

滕續元二人退陳文皇帝禱一人

胡穎 南史傳隨周文育於吳興討杜龕陳天嘉元年
除散騎常侍吳興太守卒官

徐敬成 南史傳大建五年除吳興太守隨吳明徹北

討

杜稜 南史本傳陳廢帝時位特進侍中大建元年出爲
吳興太守二年召爲侍中

沈恪 南史本傳杜龕平文帝襲張彪以恪監吳興郡
武帝受禪恪自吳興入朝踐阼除吳興太守永定三年
除散騎常侍

王奂 南史隱逸傳沈麟士吳興人昇平末太守王奂

表薦之召不就

沈欽 南史陳紀天康元年廢帝卽位以吳興太守沈欽爲尙書右僕射

右陳太守三書所載元十五人退陳文帝禱添沈欽仍舊十五人

隋李德林 隋書本傳隋初爲內史令開皇十年出爲湖州刺史按紀九年平陳

沈法興 唐書本傳隋大業末爲吳興郡守東陽賊樓世幹略其郡煬帝詔法興與元祐討之顏真卿石柱題亦云隋吳興太守沈法興統記云大業十四年吳興太守沈法興討東陽賊樓世幹按隋紀大業十三年十一

月改元義寧大業十四年卽義寧二年也

右隋太守滕續一人今添一人共二人

唐孟宣文 武德二年自陳州刺史授後遷涇州刺史

見唐刺史題名下同

雲洪嗣 武德七年自右庶子授遷鄭州刺史

韓世恭 正觀五年自金吾將軍授遷衛尉少卿

徐瑩 正觀十一年自括州刺史授統記云遷荊州刺史

所載刺史自此始

寶懷恪 正觀十七年自戶部郎中授遷揚州刺史

劉守敬 正觀二十一年自洛州刺史授遷太常少卿

統記云聖歷二年授

陳蹇之 永徽元年自陳州司馬授免官統記云大足元年授

于敏直 永徽五年自宋州別駕授遷德州刺史

賀蘭爽 永徽九年自右衛中郎授遷羽林將軍統記自徐瑩後六政云則天時

衛弘敏 顯慶元年自豫州刺史授遷右清道府率統記云神龍二年汝州刺史授

韋璋 顯慶五年自少府監授卒官統記云神龍三年自博州刺史授

武太中 弘道二年自海州刺史授卒官統記云以上

三政中宗時

鄭休還 垂拱元年自金州刺史授遷越州都督統記

云景雲元年太常少卿授遷滑州刺史

趙謹徽 長壽二年自洪州都督授統記云景雲二年

自泉州刺史授遷太子賓客到任

馬建 證聖元年自袁州刺史授遷邛州刺史統記云

太極元年以上三政睿宗時

崔瑊 萬歲通天元年自登州刺史授遷■州刺史統

記云開元元年

張洽 大足元年自濮州刺史授遷魏州刺史統記云

開元三年

侯莫陳涉 神龍二年自睦州刺史授遷商州刺史統

記云開元九年

朱審慶 太極元年自虔州刺史授遷洪州刺史江南

道采訪使統記云開元六年在侯莫前

蔣挺 開元五年自國子司業授選申王府長史統記

云十二年

徐元之 開元七年自諫議大夫授改邠王府長史統

記云十五年

鄭繇 開元九年自陳州刺史授遷博州刺史統記云

十七年

徐嶠之 開元十三年自吉州刺史授遷洛州刺史統

記闕唐史徐浩傳父嶠之不載爲守事

皇再從兄祈 開元十六年自國子司業授遷金吾大將軍
統記云二十二年自諫議大夫授遷右領軍衛將軍
韋明敷 開元十八年自右清道府率授遷趙州刺史
統記云二十四年

張景遵 開元二十一年自夔州刺史授改清道府率
統記云二十七年

徐暉 開元二十三年自登州刺史授不曾之任遷洪
州刺史充江西采訪使統記云二十九年

鄧武遷 開元二十九年自蘄州刺史授卒官

吳從眾 開元二十八年自蘄州刺史授遷密州刺史
充党項使統記云天寶三年自鄭州刺史授遷安化郡

太守卽密州刺史也

陳思應 天寶元年自柳州刺史授不之任統記云四年

閻知言 天寶二年自括州刺史授致仕統記云五年
周擇從 天寶五年自饒州刺史授改洪州刺史統記
云六年遷宣州

韋南金 天寶八年自睦州刺史授遷梁州刺史統記
云七年

李峒 天寶十年自壽州刺史授改授陳王府長史統記
云十三年以上十八政元宗時

韋景光 天寶十二年自衛將軍授免官統記缺

豆盧陳麟 天寶十四年自華州刺史授遷虔州刺史

統記云至德二年

崔巽 天寶十五年自蘇州刺史授遷右衛將軍統記

云乾元元年

楊慧 至德元年自奉元縣令授免官統記云乾元二

年遷杭州刺史慧一作惠

崔論 上元元年自蜀州刺史授遷試大府卿兼御史

大夫淮南節度行軍司馬統記云自饒州刺史授以上

四政肅宗時

獨孤問俗 上元三年自明州刺史授遷祕書監檢校

揚州大都督司馬統記云寶應二年

盧幼年 寶應二年自杭州刺史授遷大理少卿統記云永泰元年

杜位 乾元元年自江寧少尹拜卒官統記云大歷四年

蕭定 永泰二年自信州刺史授遷宋州刺史統記云蕭定大歷六年宋州刺史授遷蘇州袁潤等六州刺史大歷中有司差天下刺史治最定與常州蕭復濠州張鎰爲第一

裴清 大歷二年自宿州刺史授除鄂州刺史統記云六年選兵部郎中

顏真卿 唐大歷七年自撫州刺史授遷刑部尚書統

前元十四
記云八年唐史傳云遷撫湖二州刺史元載誅楊瑄薦
之擢吏部尙書大歷中爲刺史招致名儒高客七十餘
人相與攷郡書成韻海鏡源五百卷又書其伯祖元孫
所著干祿字書撰於生池碑及其他石刻公卽在郡累年
德政洽於千里邦人仰其忠烈今奉祠焉

樊系 大歷十二年自諫議大夫授遷濠州刺史統記
云十年

第五琦 建中元年自饒州刺史授遷太子賓客史傳
云坐與朝恩善貶括州刺史徙饒湖二州復爲太子賓
客統記云大歷十三年

王密 建中三年自明州刺史授遷越州都督充浙東

西園練副使統記云大歷十四年

王沔 建中五年自檢校工部郎中兼侍御史授遷宣
州觀察使統記云大歷十五年遷宣州刺史以上十政
代宗時

袁高 正元二年自韶州長史員外置同正員授遷給
事中統記云袁高建中二年

楊頊 正元四年自濮州刺史授遷國子祭酒統記云

興元元年二政德宗時

龐晷 正元七年自倉部郎中授遷絳州刺史統記作
三年

子頊 正元八年自駕部郎中授遷蘇州刺史史傳自

駕部郎中出爲湖州刺史郡有湖陂異時溉田三千頃以濟人久淤廢頤行縣命修復隄闕歲獲秔稻蒲魚無慮萬計州地庫薄葬者不掩柩頤爲坎瘞枯骨千餘人賴以安未幾改蘇州統記作五年

劉全白 正元十年自池州刺史授遷祕書監致仕統記作七年

王浦 正元十一年自建州刺史授卒官統記作十年
李錡 正元十三年四月自杭州刺史授遷本道觀察使統記作十二年本傳德宗時爲杭湖二州刺史居三載遷潤州刺史浙西觀察使

李詞 正元十六年自萬年縣令授遷光祿少卿統記

作十四年

田敦 正元十八年五月自衢州刺史授遷常州刺史
統記作十六年

顧防 永正元年四月自澧州刺史授除常州刺史統
記作正元二十年以上八政順宗時

姚駟 元和元年四月自處州刺史授卒官統記作姚
駟

辛秘 元和二年正月自兵部員外郎授史傳爲兵部
員外郎憲宗初拜湖州刺史討李錡平賜金紫召爲河
東司馬留主務李錡反遣將先取支郡蘇常杭睦四刺
史或戰敗或拘脇秘召將工知二夜開城收壯士得數

百逆賊大戰斬其將進焚營堡鎬平遣宣慰使齎詔至
賜金紫刻詔於石又有時元佐紀銘其功

范傳正 元和四年八月自歙州刺史拜六年二月十
一日遷蘇州刺史史傳歷歙湖蘇三州刺史

裴汶 元和六年自澧州刺史授八年十一月除常州
刺史

薛戎 元和八年十一月三十日自衢州刺史授遷常
州刺史史傳云河南令累遷浙東觀察使而不載爲守
事

李應 元和十一年八月十五日自戶部郎中授遷蘇
州刺史

竇楚 元和十五年三月二十二日自刑部郎中拜遷
尚書右司郎中統記云以上七政憲宗時

錢徽 長慶元年十二月十五日自江州刺史拜遷尚
書工部郎中史傳憲宗時禮部侍郎貶江州刺史轉湖
州還遷工部侍郎

張仕偕 長慶三年三月六日自司封郎中拜卒官

崔元亮 長慶三年十一月二十二日自刑部郎中拜
遷祕書少監分司東都唐書元和初遷密歛二州刺史
歷湖曹二州辭曹不拜統記云以上三政穆宗時

獨孤邁 寶歷二年九月十三日自歙州刺史拜後貶

康州統記云一政敬宗時

韓泰 太和元年七月三日自睦州刺史拜遷常州刺史

李德修 太和四年五月十日自淮南節度行軍司馬授後遷楚州刺史

章珩 太和五年四月自江州刺史拜未視事卒

庾威 太和五年四月自長安縣令拜貶吉州刺史

敬昕 太和七年自婺州刺史拜除吏部郎中續加檢校本官依前湖州刺史後除常州

裴充 太和元年八月自大理少卿拜卒官

楊漢公 開成三年三月二十自舒州刺史拜遷亳州刺史充本道團練使統記云以上七政文宗時

張文規 會昌元年七月十五日自安州刺史授遷國子司業

李宗閔 會昌三年五月十日自東都分司太子賓客授尋貶漳州刺史績貶漳州長史史傳開成中爲太子賓客分司東都會昌中拜湖州刺史尋貶漳州長史

姚勗 會昌三年六月二十九日自尙書左司郎中授後遷吏部郎中唐傳姚崇曾孫勗累遷諫議大夫湖州刺史

辭褒 會昌六年八月十日自安州刺史拜卒官以上四政武宗時

令狐綯 大中元年三月二十一日自右司郎中授二

年四月二日除翰林學士十日拜相史傳以右司郎中出爲湖州刺史宣宗問人令狐楚有子乎白敏中曰絢今守湖州其爲人宰相器也召爲考功郎中知制誥入翰林爲學士

蘇特 大中二年五月自陳州刺史拜除鄭州刺史
杜牧 大中四年十一月自大理少卿授遷中書舍人
史傳自吏部員外郎乞爲湖州刺史踰年以考功郎中知制誥遷中書舍人唐大中爲刺史遺愛塞路公退之餘登臨賦詠碧瀾銷暑俱有留題

郭勤 大中五年九月自司勳郎中拜河南少尹

鄭顥 大中七年九月自舒州刺史授除太僕少卿

崔準 大中十一年四月自刑部郎中拜除給事中

蕭峴 大中十二年十一月自戶部郎中授除東都留

後卒官以上七政宣宗時

鄭彥弘 咸通三年自司勳郎中授遷右司郎中

崔芻官 咸通三年二月自吏部郎中拜卒官統記云

戶部

源重 咸通三年九月自司勳員外郎授除絳州刺史

高湜 咸通五年十二月自司勳員外郎拜禮部郎中

史館修撰統記作遷刑部

趙濛 咸通八年二月自司勳員外郎拜遷駕部員外

郎統記云遷職方

李超 咸通十一年八月自楚州都團練使授除諫議大夫

裴德符 咸通十二年七月自絳州刺史授遷太常少

卿

張搏 咸通十三年七月自中大夫拜除蘇州刺史統
記云比部郎中授遷廬州刺史

劉植 乾符元年七月二十七日自左司郎中授除當
道副使統記云咸通十五年自兵部員外郎授遷兵部
郎中以上九政懿宗時

鄭仁規 乾符四年二月十三日自司封郎中授除襄
州節度副使統記云三年自考功員外郎授選考功郎

中

杜孺林 乾符六年自戶部郎中授選司勳郎中中和三年再授後遷給事中統記作五年工部授

王鸞 中和二年正月自刑部郎中授統記云司勳

孫儲 中和五年正月一日自工部郎中授除左散騎

常侍統記作中和四年權給事中授

李師悅 光啟元年八月自工部尙書授累加檢校太

保忠國軍節度使薨於郡治統記云光啟元年八月工

部尙書授文德元年加檢校右僕射龍紀元年加檢校

司空大順二年加特進三年加檢校司徒賜德政碑景

福二年加防禦使乾寧三年正月加太保五月加忠國

將軍節度使七月薨載刺史止此

李彥徽 前綿州刺史起復繼父位權兵馬留後因災變爲眾所逐

高彥 乾寧四年十月授招討使明年授刺史卒官

高禮 天祐四年十二月起復襲父位權知軍州事出城與淮南兵私會爲裨將所逐

右唐刺史據廳壁題名一百十九人統記始於李瑩終李師悅內又不載徐嶠之韋景先計九十七人竊詳題名本於唐廣德中所載必不苛合竝登載特以錢鏐以後係吳越錢氏所授天祐四年唐已禪於梁不當附唐後今合爲一百五人

歷代賢守舊圖經諸書多載竊考六朝之間事之可紀者史不輟書唐三百年人且踰百其賢乃寥寥罕聞蓋六朝都建業吳興爲便郡其所授者非名賢卽貴戚也有治迹者史筆必載唐都長安是郡特海隅一陋邦爾以題名參之唐史十無其一有名氏者亦略其所授載除授遷改者又略其歲月設有事違史官往往不暇載也然郡侯有不鄙虐其民而爲之興利禦災者或別有他書亦不可掩也

吳越錢鏐 天祐七年旣逐高澧錢鏐至州安撫以鏐爲刺史後叛入淮南五代史吳越世家乾化元年鏐弟鏐居湖州擅殺將潘長懼罪奔於淮南又按唐天祐四

年遜於梁梁太祖改元開平天祐七年當梁開平四年
錢璟 天祐八年自婺州刺史攝刺史九年正授十七
年授寧國軍節度使五代史天祐八年當梁乾化元年
錢元球 天祐十九年四月自明州刺史授後歸印綬
於杭州五代史天祐十九年當梁龍德二年

錢元瑾 天成元年四月自指揮使檢校司徒授卒官
五代史後唐改天祐爲同光元年當梁龍德三年梁亡
同光四年改天成元年

錢仁捷 天成二年六月二十六日自檢校授太保授
後加防禦使罷任

劉仁圯 長興二年九月自內衛指揮使授五代史鏐

以長興三年卒子元瑾立以上六人係鏐時

鮑君福 清泰元年八月自鎮海軍節度使副授後遷
右丞相兼侍中歸杭州

沈韜文 晉天福五年十一月自檢校太保授五代史
唐潞王清泰三年滅晉高祖改元天福元瑾以天福六
年卒子佐立以上二人係元瑾時

許彥 天福六年十一月自內衛指揮使授

胡進思 開運三年二月檢校太尉授刺史以判官孫
諤知州事進思本高禮裨將止居杭州

吳仁德 開運三年二月檢校太尉授刺史以疾免

錢僊 開運三年十二月二十一日檢校大尉授刺史

後加宣德軍節度使卒官五代史佐以開運四年卒弟俶立以上四人係佐時

錢昭晏 偁之子宋乾德四年起復襲父位

錢信 偁之弟開寶三年自武勝軍節度使授太平興國三年納土以上二人係俶時續圖經云自錢鏐以下十四人皆錢氏自除授而同姓八人亦足見當時之政也

右吳越時刺史十四人據唐紀哀帝改元天祐四年遜位於梁五代史梁太祖改元開平李克用及存勗皆仍唐年號至十九年次年方改元同光國號唐二年滅梁又二年改天成故題名並不書梁年號以天

祐按天成所謂天祐七年梁開平四年也錢鏐以乾
寧二年爲鎮海東軍節度使以越州爲東府還治錢
塘始有二浙然刺史尙唐授也至天祐七年始以鏐
爲刺史是時唐亡已三年矣自後至歸朝刺史皆錢
氏自授今故自鏐以下別之爲吳越或曰唐雖亡而
克用存勗仍唐年號至梁亡以接後唐之天成長興
清泰皆唐也刺史附之唐可也固也天福爲晉開運
爲漢而乾德爲宋朝矣亦附之唐可乎況鏐受梁封
爲吳越王後又自爲吳越國刺史之書不訖於周而
訖於錢氏之納土則別之爲吳越宜也

宋王洞 將作監丞太平興國三年七月視事六年六

月罷

梁辰 右補闕太平興國三年三月視事次日抽赴闕

潘愼修 贊善大夫太平興國六年六月視事九年十

二月罷

鄭建 祠部員外郎雍熙三年十月視事端拱九年九

月罷

張隱 水部員外郎端拱九年九月視事淳化二年正

月卒於部署

衛濟 祠部員外郎淳化二年四月視事是年九月罷

樂和 左正言淳化三年三月視事是年四月罷

李韶 殿中侍御史淳化三年六月視事五年七月罷

謝泌 金部員外郎淳化五年十月視事至道三年六月罷

周師望 屯田員外郎至道五年六月視事咸平二年

六月罷

李範 都官郎中咸平二年七月視事五年六月罷

杜惟一 水部郎中咸平五年六月視事景德二年四

月罷

高貽慶 侍御史景德二年四月視事四年十二月改

荆湖轉運使

蘇爲 都官員外郎大中祥符元年二月視事二年八

月罷

刁衍 刑部郎中直祕閣大中祥符二年八月視事五年正月罷

王膺 水部員外郎大中祥符五年正月視事九年八月罷

李餗 殿中侍御史大中祥符九年十二月視事天禧二年九月罷

鄭天益 都官員外郎天禧二年十一月視事五年正月就差廣西轉運使

王文震 考功員外郎天禧五年三月到天聖元年九月罷

高謹交 職方員外郎天聖元年九月視事三年五月

罷

丁度 太常博士直集賢院天聖二年五月視事五年
十月罷

王冕 都官員外郎天聖五年十月視事七年四月丁
憂

王履 司封員外郎天聖七年四月視事八年四月移
知蘇州

王盤 度支郎中天聖八年四月視事明道元年十月
罷

柳宏 都官郎中明道元年十月視事景祐元年六月
就差廣西轉運使

慎鏞 禮部郎中祕閣校理景祐元年六月視事三年

六月罷

葉參 兵部郎中景祐三年六月視事四年十月分司

南京

鮑當 職方郎中景祐四年八月視事五年二月卒於

郡治

周允迪 倉部郎中寶元元年七月視事二年八月移

知衡州

滕宗諒 祠部員外郎寶元二年六月視事康定元年

十二月遷刑部員外郎直集賢院移知涇州寶元中守
湖州始至問民疾苦攷視風俗尤屬意於興學未閱月

卽營基鳩材表請於朝一新翼舍風教寢隆邦人德之
置祠於學歲時奉祀

胡宿 太常博士集賢校理康定二年四月到慶歷三
年四月罷康定中守湖州政有惠愛築石塘百里捍水
患大興州學儒士盛於東南自湖學始旣去州人思之
名其塘曰胡公塘學者立生祠於學

見續
圖經

陳亞 金部郎中慶歷三年四月到五年四月罷
馬尋 金部郎中慶歷五年四月到七年四月罷

唐詢 工部員外郎直史館慶歷七年四月到皇祐元
年四月罷

戚舜元 水部郎中皇祐元年四月到任轉司封郎中

三年二月罷

張昱之 刑部郎中天章閣待制皇祐三年二月到任
四年九月移知揚州

章岷 度支員外郎充集賢校理皇祐四年十月到任
轉司封員外郎依前充職至和元年十一月罷任

楊紘 刑部郎中至和元年十一月到任二年二月轉
兵部郎中又嘉祐元年正月轉太常少卿二年六月十
二日罷

徐起 光祿卿嘉祐二年六月到九月轉祕書監三年
八月移知單州

盛申甫 司封員外郎集賢校理嘉祐三年十月到任

轉工部郎中依前充職五年十月罷

齊廓 光祿卿直祕閣嘉祐五年十月到任六年九月

分司南京

鮑軻 度支郎中嘉祐六年十月到任七年六月移知

吉州

張田 屯田員外郎嘉祐七年六月到八年五月改都
官八月轉職方嘉祐中以屯田員外郎守郡性剛直吏
民畏服凡有興作可以立成創軍資甲仗庫又重建都
酒務永寧駱駝儀鳳二橋開子城東西二衙門公私爲
便及立顏魯公祠仍籍吳興登第者題名於學在任二
年移知廬州代者徐公仲謀作記云子觀張君不在謝

柳龔黃之下

見舊編

徐仲謀 職方郎中治平元年五月到任三年五月罷
王昇 司封郎中充祕閣校理治平四年七月到任五
年二月初赴闕

唐詔 司勳郎中熙寧元年四月到任二年九月移知
太平州改知潭州

徐綬 熙寧二年十一月以尙書司封郎中充集賢校
理知州事四年十一月罷

孫覺 右正言直集賢院熙寧四年十一月到任六年
三月移知廬州熙寧中以右正言守郡始至歲適大水
民人饑饉欲相率亡去公振倉廩躬自撫循富有皆爭

出穀以佐官所活不可勝計又以其餘暇因網羅遺逸
得前人賦詠數百篇爲吳興詩集其他刻尙存而偃仆
斷缺於荒陂草野之間者皆集於墨妙亭

見傳編

王介 職方員外郎充祕閣校理熙寧六年四月到轉
祠部郎中依前職至十二月抽赴闕

李常 太常博士充祕閣校理熙寧七年三月到任祠
部員外郎前職九年三月移知齊州

章惇 右正言知制誥熙寧九年三月到任十一月移
知荆南府十年四月再任五月丁母憂

鞠眞卿 太常博士直祕閣熙寧十年八月到任元豐
元年九月移知蔡州

王安禮 太常博士直集賢院元豐元年十月到任至十一月抽赴闕

蘇軾 尙書員外郎直史館元豐二年四月二十日到任七月十八日罷元豐中守湖州下車三月而罷以事繫御史臺獄郡人懷其德政作解厄道場者彌月故有授獄卒以遺子由詩云百歲神遊定何處桐鄉知葬浙江西集中有端午遍遊諸寺以下三十餘篇皆吳興所作詩也

陳侗 太常博士充集賢校理元豐二年十一月到任三月八月移知宣州

唐叔問 工部員外郎元豐三年八月二十九日到任

十一月換朝奉郎四年十月轉朝散郎五年八月再任
十月授尙書員外吏部員外郎赴闕

閻正孝直 朝散大夫元豐六年三月到任至中二年
移淮南東路提刑

滕元發 正議大夫元豐七年八月到任八年五月轉
光祿大夫九月移知蘇州

呂希道 中散大夫元豐八年十二月初二日到任元
祐二年八月二十八日罷

林希 朝請郎充集賢殿修撰元祐二年八月二十八
日上至三年七月轉朝奉大夫四年正月移知江寧軍
江南東路兵馬鈐轄

呂溫卿 右丞議郎元祐四年二月初二日到任六年

二月初六日移知明州

張詢 左朝請郎元祐六年二月七日到任八年二月

二十日罷

唐瑁 左朝散郎元祐八年三月初一日到任紹聖元

年七月初五日罷

鍾浚 左朝請郎紹聖元年七月初五日到任二十四

日卒於郡

王安上 宣德郎紹聖元年九月三十日到任紹聖三

年十一月十八日罷

馬城 通直郎紹聖三年十一月十八日到任四年閏

二月八日移知潁州

余中 朝奉郎充祕閣校理紹聖四年六月二十二日到任元符二年三月八日移知杭州

蔣之幹 朝散大夫元符二年六月二十三日任三年十二月二十六日罷赴闕

徐鐸 朝奉大夫元符三年十二月二十六日到任崇寧元年二月十五日移知河中府

晁補之 朝散郎崇寧元年四月二十九日到任當年五月二十九日移知密州

豐稷 朝請郎充龍圖閣待制元符元年六月二十二日到任二年三月八日移知杭州

呂嘉問 中大夫崇寧元年閏六月四日到任二十三日以寶文閣直學士知成都府

林顏 左朝議大夫崇寧元年八月初五日到任十二月十一日左轉中散大夫二年正月初八日移知廬州充淮南西路兵馬鈐轄

王瑛 右朝議大夫崇寧三年四月二十二日到任
王澤 朝請郎崇寧四年閏三月初二日到任至五年二月二十四日赴闕

吳綱 朝請郎充顯謨閣待制崇寧五年二月二十四日到任大觀元年三月二十七日罷

鮑朝賓 朝奉郎大觀元年到任

王仲疑 朝議大夫直祕閣大觀三年四月二十九日

到任

葉棣 朝請大夫大觀四年三月二十六日到任政和

元年正月初十日罷

童援 朝散郎政和元年正月二十四日到任轉朝請

郎四年三月初二日罷

葉唐稽 朝請大夫政和四年四月初三日到任十二

月二十三日移京東路提點刑獄公事

盛瑜 朝請大夫政和五年二月十七日到任升直祕

閣七年四月二十七日提點南京鴻慶宮

沈麟 朝請郎直祕閣政和七年六月初三日到任轉

朝奉大夫直天章閣宣和元年四月六日致仕

王倚 朝請郎直祕閣宣和元年六月二十五日到任
三年二月二十九日轉朝奉大夫直龍圖閣四年五月
十五日起闕

胡思誠 朝請大夫直祕閣宣和四年六月初七日到
任十七日罷

葛勝仲 大中大夫充顯謨閣待制宣和四年十月初
四日到任六年九月初六日移知鄧州安撫使建炎中
自大司成守郡時金人蹂江浙盜賊蠭起劇賊邵青欲
過江入湖公大修城郭教閱士卒賊望風引去是歲大
饑斗米千錢餓殍相枕藉公大發官廩又輸以穀數百

解遣官吏振給之民賴全活

見舊編

強休甫 奉直大夫宣和六年十月初九日到任七年

四月二十八日轉朝議大夫靖康元年三月初八日罷

任

盧襄 靖康元年三月初九日以徽猷閣直學士中大

夫到任四月初九日除兵部侍郎

鄭滋 朝奉大夫充徽猷閣待制靖康元年六月十日

到任是年九月二十五日移知平江府

趙子漪 中大夫靖康元年十一月二十日到任當年

十二月初八日卒於郡守

梁端 以朝請大夫直祕閣建炎元年八月八日到任

二年三月捕獲叛兵轉中奉大夫當年二月特恩轉中大夫三年四月九日以協助勤王升直龍圖閣當月十二日丁母憂罷任

張虞卿 朝散郎建炎三年八月二十九日到任當年十月初四日轉朝請郎十一月九日奉旨依所乞主管南京鴻慶宮罷任

趙子嶙 建炎二年守郡時虜人南侵所過輒下或空城邑去之公乃躬率將士勦力乘城人皆感勵願以死守或謂賊且浮舟而來乃厚賞募人沒水行以鑿賊艦誅巨木沈廢舟以絕間道事甫定遽罷去居人攀戀涕泣御史以民言告於上詔還於郡乾道五年立祠於顏

翁公堂東偏

見舊編

汪藻 紹興元年十一月初三日以龍圖閣直學士朝散大夫到任二年十月遷左朝散大夫四年九月二十
二日移知撫州

陳與義 紹興四年九月二十一日以徽猷閣直學士左奉議郎到任五年二月二十五日召除給事中紹興八年四月初二日以資政殿學士左大中大夫到任至七月十一日準敕依所乞提舉臨安府洞霄宮

李光 紹興五年閏二月初三日以左朝奉郎充寶文閣待制到任當年七月初九日除顯謨閣直學士移知平江府

方孟卿 紹興五年九月初一日以左朝奉郎充集英殿修撰到任至六年三月二十三日除徽猷閣待制提舉江州太平觀

汪思溫 紹興六年三月二十六日以左朝散大夫直徽猷閣到任當年八月二十一日除太府少卿

宇文時中 紹興六年十一月二十五日以左中奉大夫直寶文閣到任至紹興八年四月初二日差知建寧府

常同 紹興八年七月二十七日以顯謨閣直學士左朝請郎到任九年三月四日召赴行在所

朱勝非 紹興九年三月初四日以觀文殿大學士左

宣奉大夫當年十月二十六日提舉臨安府洞霄宮

蕭振 紹興九年十一月二十五日以右奉議郎充徽

猷閣待制十一年三月二十三日提舉臨安府洞霄宮

秦梓 紹興十一年六月初五日以左承議郎直祕閣

當年十二月二日差知温州赴行在奏事改除祕書少

監兼崇政殿說書

周葵 紹興十二年三月初四日以左承議郎直祕閣

當年十二月二十一日移知平江府

秦治 紹興十三年二月初四日以右奉議郎充集賢

殿修撰到任

張宇 紹興十四年十二月以左朝奉大夫直祕閣到

任十五年十二月十二日改差宮觀

王鈇 紹興十六年三月十二日以敷文閣直學士右

朝議大夫到任當年十一月二十日轉右中奉大夫十

七年正月二十日提舉江州太平觀

張官 紹興十七年二月十八日以右朝議郎充敷文

閣待制到任當年九月十八日提舉江州太平興國宮

錢堪 紹興十七年十一月二十四日以左朝散郎到

任十八年八月二十一日主管台州崇道觀

趙叔濟 紹興十八年九月十七日以左中奉大夫到

任十九年七月三日罷

周奕 紹興十九年七月二十八日以右朝奉郎到任

二十一年四月二十七日移知温州

王會 紹興二十一年五月十九日以敷文閣直學士
右朝奉大夫到任二十四年四月十九日移知秀州

郭瑛 紹興二十四年五月十三日以右朝奉郎直祕
閣到任二十六年正月十一日除祕閣修撰主管台州

崇道觀

汪勃 紹興二十六年七月十三日以端明殿學士左
朝奉大夫到任二十八年四月十八日提舉江州太平
興國宮

李琳 紹興二十九年四月十四日以左朝議大夫充敷
文閣待制到任二十九年五月九日提舉江州太平

興國宮

楊揆 紹興二十九年六月十三日以右朝議大夫充
敷文閣待制到任當年十月十四日卒於郡

董平 紹興三十年六月初一日以右中大夫集英殿
修撰到任三十一年二月十六日移知潭州

陳之茂 紹興三十一年四月十三日以左承議郎到
任當年八月十六日轉左朝奉郎三十二年十二月八
日除直祕閣當月二十日移知平江府紹興三十一年
自吏部郎中守郡凡有追逮未嘗遣吏揭片紙譙門之
下雖外之縣鎮莫敢違其程限明年冬虜亮寇邊修城
郭治器械聚糧食東南士大夫挈家依之

見傳編

鄭作肅 紹興三十二年十二月十六日以左朝議大夫直祕閣到任

王師 顯謨閣學士左正議大夫乾道元年九月到任
二年八月提舉江州太平興國宮

王時升 左中奉大夫乾道元年九月到任二年八月
提舉江州太平興國宮

王十朋 左承議郎敷文閣待制乾道三年九月到任
四年四月提舉江州太平興國宮紹興二十七年廷試
擢第一乾道中以敷文閣待制自夔州移知郡事崇儒
重道以教化爲先郡有貢院久廢自出圭租以率州之
士夫各助私錢重建不斂於民不費於官貢院郡學皆

立生祠爲政禁戢疆橫勤恤小民後丐祠得請百姓攀

戀至有垂泣者

見替編

劉敏士 右朝散大夫兩浙路轉運判官乾道四年四月被旨兼權

唐瑑 右朝請大夫直龍圖閣乾道四年五月到任六年正月除江東運使改知建康府

林栗 左朝請郎直寶文閣乾道六年二月到任十一月罷

向洵 右朝請大夫直祕閣乾道六年十一月到任七年十月進直寶文閣十二月移知平江府

單夔 右奉議郎乾道八年正月到七月除戶部員外

郎淮西總領

韓季宣 右通直郎乾道八年八月到轉右奉議郎九年二月改知常州

張宗元 左中奉大夫祕閣修撰兩浙轉運副使乾道九年三月被旨兼權

趙師夔 右宣教郎直徽猷閣乾道九年五月到轉承議郎直龍圖閣再任淳熙三年三月除浙西提刑

鞏湘 朝奉大夫淳熙三年四月到轉朝散大夫四年十二月除明州長史

曾逮 朝請郎集英殿修撰淳熙五年五月到轉朝奉大夫六年三月改除知鎮江府

趙粹中 奉議郎龍圖閣待制淳熙六年四月七日到

九日罷

趙伯驩 武功大夫忠州團練使兩浙西路提點刑獄
公事淳熙六年四月被旨兼權

王正己 朝散郎淳熙六年七月到十一月罷

趙彥逾 朝奉郎淳熙六年十二月到七年十一月除

淮西運判

胡南逢 朝奉郎淳熙七年十二月到任九年二月宮

觀

趙善杜 朝散郎淳熙九年二月到八月以憂去職

顏度 朝奉大夫直寶文閣淳熙九年

劉藻 承議郎 淳熙十一年八月到任十二年十月罷
趙思 朝奉大夫 淳熙十二年十一月到至十四年閏
七月轉朝散大夫除直龍圖閣再任十五年九月被召
除起居郎

張澈 朝奉大夫 淳熙十五年到以磨勘及覃恩轉兩
官以修軍器率先請郡特轉一官紹熙元年四月除都
大提點坑冶鑄錢局

王信 中大夫 紹熙元年五月到十二月移知紹興府
王回 朝請大夫直徽猷閣紹熙二年二月到三年四
月除江東提刑六月十四日受代

趙不述 紹熙三年六月到次年正月準省劄除都大

提點坑冶鑄錢局

趙元夫 朝請郎紹熙四年三月到當年九月罷

潘景珪 中散大夫充祕閣修撰紹熙四年十二月到

五年十一月自陳宮觀

虞倚 朝奉大夫直祕閣紹熙五年十二月到慶元二

年二月改除知婺州

孟浩 朝奉大夫慶元二年四月到次年六月罷

趙善宣 慶元三年八月以朝奉大夫到當年十月罷

張震 朝奉大夫慶元三年十二月到五年六月除福

建路提刑

李景和 慶元五年七月以朝奉大夫到嘉泰元年三

月準省留召赴行在

富瑄 嘉泰元年四月到二年六月十七磨勘轉朝奉大夫七月二十二日被旨召赴行在

陳鈞 嘉泰二年九月初七日以朝奉郎到任當年十一月磨勘轉朝散郎次年正月宮觀

汪泳 嘉泰三年二月初十日朝奉大夫到次年三月十一日磨勘轉朝散大夫當年五月十四日宮觀

留佑賢 嘉泰四年六月二十六日以朝奉大夫到開禧二年二月二十一日準旨除湖南提舉當年三月十五日授代

周夢祥 開禧二年三月十五日以朝奉郎到當年十

二月磨勘轉朝散郎

王炎 開禧三年十二月十三日朝議大夫到任嘉定二年正月二十六日罷任

魏大中 嘉定二年三月初五日以朝奉大夫到任當年十二月二十一日磨勘轉朝散大夫次年閏二月初五日敕文

趙希葵 嘉定十三年五月初三日以朝散郎到任十四年二月十三日準尙書省劄子除大府丞

趙希蒼 嘉定十四年三月二十三日以朝請郎到任四月內磨勘轉朝奉大夫至十五年八月初六日宮觀謝伯 朝請大夫嘉定十五年八月八日到任九月三

日準省劄監尙書六部門

宋濟 嘉定十五年十一月初六日以朝請大夫到任
至嘉定十七年四月初五日除左曹郎中

謝周卿

王元春 寶慶元年正月十二日以中大夫除祕閣修
撰到任至當年五月初三日除右文殿修撰知平江府
梁紘 寶慶元年六月初七日以朝請大夫到任至寶
慶三年八月初四日除左曹郎官

趙希觀 寶慶三年八月十三日以朝散郎到任於當
年九月二十四日磨勘轉朝請郎紹定二年十月得旨
令赴行在奏事十二月初七日滿替

趙汝憚 紹定二年十二月初七日以朝請郎到任磨
勘轉朝奉大夫至三年十一月二十六日準省劄除將
作監主簿

徐愿 紹定三年十二月十六日到任五年十二月十
七日滿任六月二十四日準尚書劄子備奉聖旨令赴
行在奏事當月二十八日受代

趙與權 紹定六年二月二十八日以朝奉大夫直寶
章閣到任當年十月初八日丁母憂

萬逮 紹定六年十一月初七日以朝請郎到任至端
平元年四月十三日罷任

林申 端平元年九月二十四日以朝奉大夫到任至

三年三月二十一日準尙書劄子除太府寺丞當年七月初一日磨勘轉朝散大夫至九月二十九日交割赴行在供職事

杜幼節 端平三年九月二十九日以朝奉郎到任至

嘉熙元年六月初五日準省劄宮觀

劉震孫 嘉熙元年八月初九日以承議郎到任至嘉

熙二年三月初九日準旨轉朝奉郎於當年三月二十四日準省劄除兵部郎官兼京西湖南北江西路督視參議官四月二十六日被旨將職事交割以次官離任趙希聖 朝奉郎嘉熙二年閏四月十四日到任當年九月七日引嫌丐辭奉御筆方有政聲且合終任六月二

十三日奉聖旨改差知嘉興府

俞垓 嘉熙二年十一月十五日以朝奉大夫到任嘉熙三年七月初七日準省劄備奉聖旨召赴行在奏事當月二十八日受代

謝奕修 嘉熙三年七月二十八日以朝奉大夫到任嘉熙四年正月六日奉聖旨與祠

王侑 嘉熙四年六月十二日到任淳祐元年六月十二日成一考爲軍糧事三疏自劾奉聖旨依所乞與宮觀二月十二日離任

黃辰顯

黃臬 淳祐元年十二月十日以朝奉大夫到任至淳

祐二年冬兩乞祠次年正月十二日奉聖旨主管建康府崇禱觀

楊瑾

周坦 淳祐四年八月十二日以承議郎到任至五年五月初七日準省劄祕書丞

趙時詰 淳祐五年六月六日以朝散郎到任淳祐六年二月二日丁父憂

蔡節 淳祐六年三月六日以朝散郎到任集英殿修撰至淳祐七年七月一日準省劄仍舊職改知婺州已於七月初十日交割離任

徐夢衍 淳祐七年七月十二日以奉議郎到任至八

年三月六日磨勘轉承議郎當年十二月十五日準省
劄除司農寺丞當月十八日交割與次官離任

莊同孫 漳祐九年正月二十四日以朝請郎到任至
當年四月準告轉朝奉大夫至漳祐十年八月十一日
準尙書省劄子除都官郎於當月十日申省辭免得旨
不允交割以次官於九月初六日交割離任

謝奕勳 漳祐十年十月二十日以通直郎到任